

<b>CYFARFOD</b>	<b>Cyngor Llawn</b>
<b>DYDDIAD</b>	<b>5 Rhagfyr 2013</b>
<b>TEITL</b>	<b>Cynllun Datblygu Lleol ar y Cyd - Amserlen ddiwygiedig yn y Cytundeb Cyflawni</b>
<b>PWRPAS</b>	<b>Adrodd am yr amserlen adolygedig ar gyfer Cytundeb Cyflawni'r Cynllun Datblygu Lleol ar y Cyd, er mwyn cael cymeradwyaeth y Cyngor cyn ei gyflwyno i Lywodraeth Cymru.</b>
<b>ARGYMHELLIAD</b>	<b>Bod y Cyngor yn cymeradwyo amserlen ddiwygiedig ar gyfer Cytundeb Cyflawni'r CDLI ar y Cyd</b>
<b>AWDUR</b>	<b>Aled Davies, Pennaeth Adran Rheoleiddio</b>
<b>AELOD CABINET</b>	<b>Cyng. John Wyn Williams</b>

## **1 Cefndir**

- 1.1 Mae'r Cyngor hwn yn gweithio gyda Chyngor Sir Ynys Môn i baratoi Cynllun Datblygu Lleol ar y Cyd Gwynedd a Môn (CDLI at y Cyd) (ond heb gynnwys Parc Cenedlaethol Eryri).
- 1.2 Mae Cytundeb Cyflawni'n dangos y broses o baratoi'r CDLI ar y Cyd, ac yn cynnwys amserlen ar gyfer cwblhau a sut i gysylltu gyda'r gymuned yn ystod y broses o ddatblygu'r Cynllun. Fe wnaeth Cyngor Sir Ynys Môn gymeradwyo'r Cytundeb Cyflawni ar 13 Medi 2011, a Chyngor Gwynedd ar 20 Hydref 2011. Wedyn fe gyflwynwyd hwnnw i Lywodraeth Cymru a chael eu cefnogaeth hwy. Yn Nhachwedd 2011 fe gyhoeddwyd y Cytundeb a gafodd ei gymeradwyo, ac mae i'w weld ar y we ar y dudalen yma:

<http://www.gwynedd.gov.uk/upload/public/attachments/1178/CytundebCyflawniCymeradwyo.pdf>

- 1.3 Mae'r Cytundeb Cyflawni presennol yn rhagweld y byddai'r ddau Gyngor mewn sefyllfa i gymeradwyo'r Cynllun Adnau ar gyfer ymgyngori cyhoeddus statudol rhwng mis Medi a mis Hydref 2013. Rhaid i'r Cyngorau fonitro sut maent yn cadw at y Cytundeb Cyflawni, a

gwneud newidiadau os bydd angen.

- 1.4 Mae llawer iawn o waith wedi digwydd ers i ni gychwyn ar y daith, ond yn gynharach eleni roedd yn amlwg bod angen rywfaint mwy o amser i baratoi'r fersiwn llawn o'r CDLI ar y Cyd, h.y. y Cynllun Adnau, sydd yn 'gadarn'.
- 1.5 Mae llawer o resymau pam fod angen mwy o amser i baratoi'r Cynllun Adnau. Fe gytunodd y Pwyllgor Polisi Cynllunio ar y Cyd yn ei gyfarfod ym Mehefin 2013 bod angen pendant i adolygu'r Cytundeb Cyflawni yn ffurfiol, er mwyn sicrhau bod y broses o baratoi'r Cynllun yn cydymffurfio efo pob prawf cadernid. Mae'r adroddiad aeth i'r Pwyllgor Polisi Cynllunio ar y Cyd ar 21 Mehefin 2013 yn trafod y risgiau hynny. Mae modd gweld copïau o'r adroddiad yn:  
[http://www.gwynedd.gov.uk/gwy\\_pwyllgorau.asp?cat=8038&doc=29824&Language=2](http://www.gwynedd.gov.uk/gwy_pwyllgorau.asp?cat=8038&doc=29824&Language=2)
- 1.6 Mae'r Rheoliadau'n caniatáu i Gynghorau gytuno ar amserlen ddiwygiedig, yn amodol ar ymgynghori cyhoeddus ar unrhyw newidiadau sy'n cael eu cynnig.

## **2 Ymgynghori cyhoeddus**

- 2.1 Fe gyhoeddwyd rhybudd cyhoeddus am yr amserlen adolygedig yn y papurau newydd lleol a gyrru negeseuon e-bost a llythyrau i bawb ar ddata-bas y CDLI ar y Cyd, yn sôn am yr amserlen adolygedig oedd dan sylw. Mae'r data-bas yn cynnwys pob corff ymgynghori penodol a chyffredinol yn ogystal ag unigolion, busnesau a chyrff sydd wedi dangos diddordeb yn y Cynllun. Roedd yr ymgynghori cyhoeddus yn gyfle i wneud sylwadau ar yr amserlen adolygedig arfaethedig.
- 2.2 Dim ond chwech o sylwadau ddaeth yn ystod y cyfnod chwe wythnos o ymgynghori cyhoeddus. Doedd gan bump o'r rheiny naill ai ddim sylw penodol i'w wneud neu rodden nhw'n cefnogi penderfyniad i sicrhau bod digon o amser ar gael i baratoi'r Cynllun Adnau.
- 2.3 Roedd y chweched yn credu bod yr amserlen wreiddiol yn llawer rhy hir, ac yn siomedig bod y rhaglen wedi llithro. Roedd yn awgrymu y dylid dyrannu mwy o adnoddau a gwneud pob ymdrech i 'ddal i fyny'.

## **3 Yr amserlen ddiwygiedig**

- 3.1 Mae tabl 1 isod yn dod o ran 3.3.1 o Gytundeb Cyflawni 2011 ac yn dangos yr amserlen wreiddiol a'r amserlen ar ôl adolygu. Fe fuodd yr amserlen ddiwygiedig yn destun ymgynghori cyhoeddus hyd at 9 Medi 2013. Mae'r newidiadau i'r amserlen wedi'u dangos mewn print mwy amlwg yng nghlofn olaf y tabl.

**Tabl 1 Amserlen ar gyfer paratoi'r CDLl ar y Cyd gwreiddiol a'r un adolygedig**

Cyfnod yn y broses baratoi		Amserlen	Amserlen adolygedig
1.	Paratoi a chyhoeddi'r Cytundeb Cyflawni terfynol ( <i>Rheoliad 5 - 10</i> )	Ionawr i Dachwedd 2011	Ionawr i Dachwedd 2011
2.	Adolygu a datblygu'r sail o dystiolaeth	Gorffennaf 2010 - Gorffennaf 2012	Gorffennaf 2010 - <b>Hydref 2012</b>
3.	Cyfranogi Cyn-adnau – paratoi'r dogfennau cyn-adnau fydd yn rhoi amlinelliad o'r amcanion allweddol a'r hoff strategaeth ( <i>Rheoliad 14</i> ). Nid drafft llawn o'r CDLl ar y Cyd fydd hwn	Ionawr 2011- Gorffennaf 2012	Ionawr 2011 - <b>Hydref 2012</b>
4.	Ymgynghori Cyn-adnau – cyfnod o 6 wythnos ( <i>Rheoliad 15</i> ). Ymgynghori ffurfiol ar y dogfennau cyn-adnau a'r adroddiad arfarniad o gynaliadwyedd	Medi 2012 - Hydref 2012	<b>Mai - Mehefin 2013</b>
5.	Cyfranogi - datblygu ymhellach y sail o dystiolaeth a pharatoi'r CDLl ar y Cyd Adnau (cynllun drafft llawn) sydd wedi'i seilio ar y sail o dystiolaeth, yn cynnwys yr ymateb i'r dogfennau cyn-adnau	Tachwedd 2012 - Medi 2013	<b>Gorffennaf 2013 - Mawrth 2014</b>
6.	Rhoi'r CDLl ar y Cyd a'r dogfennau'n gysylltiedig gydag ef ar adnau – cyfnod ymgynghori o 6 wythnos ( <i>Rheoliad 17</i> )	Hydref 2013 - Tachwedd 2013	<b>Mai - Mehefin 2014</b>
Amserlen i roi awgrym			
7.	Ystyried sylwadau am y CDLl	Rhagfyr 2013 -	<b>Gorffennaf 2014 -</b>

	ar y Cyd Adnau ( <i>Rheoliadau 18 ac 19</i> )	Mehfin 2014	<b>Ionawr 2015</b>
8.	Cyhoeddi sylwadau ar safleoedd amgen, ymgynghori ar y rheiny – cyfnod o 6 wythnos ( <i>Rheoliadau 20 a 21</i> )	Ionawr 2014 - Chwefror 2014	<b>Medi - Hydref 2014</b>
9.	Cyflwyno'r CDLI ar y Cyd i Lywodraeth Cymru ar gyfer Archwilio ( <i>Rheoliad 22</i> )	Tachwedd 2014	<b>Chwefror 2015</b>
10.	Archwilio Cyhoeddus Annibynnol ( <i>Rheoliad 23</i> )	Ebrill 2015	<b>Mehfin 2015</b>
11.	Cyhoeddi Adroddiad yr Arolygydd ( <i>Rheoliad 24</i> )	Ionawr 2016	<b>Mawrth 2016</b>
12.	Mabwysiadu'r CDLI ar y Cyd ( <i>Rheoliad 25</i> )	Ebrill 2016	<b>Mai 2016</b>
13.	Monitro ac Adolygu	Adroddiad blynyddol	Adroddiad blynyddol

3.2 Er y bydd yn cymryd tua 6 mis yn fwy nag y rhagwelwyd ar y dechrau i gynhyrchu'r Cynllun Adnau, credir erbyn hyn mai efallai dim ond mis o lithriad fydd yn yr amserlen gyffredinol i gyrraedd adeg mabwysiadu (gweler rhes 12 o Dabl 1 uchod).

#### **4 Penderfyniad Cyngor Sir Ynys Môn**

4.1 Cyflwynwyd adroddiad am yr amserlen ddiwygiedig i gyfarfod Cyngor Sir Ynys Môn ar y 10fed Hydref 2013. Fe gafodd yr amserlen ddiwygiedig ei gymeradwyo ganddo.

#### **5 Argymhelliad**

5.1 Bod Cyngor Gwynedd yn cymeradwyo'r amserlen ddiwygiedig ar gyfer y Cytundeb Cyflawni.

#### **Papurau Cefndirol:**

Rheoliadau Cynllunio Gwlad a Thref (Cynllun Datblygu Lleol) (Cymru) 2005;  
Llawlyfr Cynlluniau Datblygu Lleol (2006)